



GRAND PRIX SINGAPURA

JUARA dunia dua kali,
Fernando Alonso, dari
pasukan Ferrari,
mendahului dari awal untuk
memenangi Grand Prix
Singapura di Litar Marina Bay

Alonso

kali ini menang

'Bersih'



Fernando, yang bermula di petak pertama, berjaya menangkis cabaran dua pelumba Red Bull, Sebastian Vettel dari Jerman, dan pendahulu Kejuaraan Pemandu, Mark Webber dari Australia.

Kemenangan jaguh Sepanyol ini adalah yang kedua di sini selepas kejayaan dalam perlumbaan pada 2008 ketika bersama pasukan Renault.

Kali ini, kemenangannya datang tanpa sebarang kontroversi. Dua tahun lalu, Alonso pernah menjadi juara tetapi kemenangan itu mencetuskan kontroversi kerana rakan sepasukannya ketika itu, Nelson Piquet, sengaja melanggar tembok penghalang sehingga kereta keselamatan terpaksa keluar dan ia mengubah kedudukan pemandu Sepanyol itu dari tempat ke-15 untuk menjadi pemenangnya.



"Kemenangan ini cukup bermakna. Kami berjaya membuktikan bahawa jentera kami mampu mempamerkan prestasi terbaik dan mampu memberi saingan di litar mana sekali pun," kata Alonso.

"Tidak syak perlumbaan ini sungguh mencabar. Bayangkan, kami harus berlumba dalam tempoh dua jam dengan cuaca yang sungguh berbahang.

"Ini belum lagi perlu menghadapi sebanyak 25 selekoh," katanya sambil menyebut kemenangan ini adalah sungguh bererti.

Sepanjang lima perlumbaan lalu, Alonso mengumpul mata tertinggi berbanding pemandu lain yang meletakkannya sebagai pesaing terdekat merangkul kejuaraan dunia ketiga dan dia gembira dengan peluang dicipta itu.

"Saya fikir saingan cukup sengit, semua lima pesaing kejuaraan mempunyai peluang sama rata," kata pemandu Sepanyol itu.

"Webber mempunyai sedikit kelebihan dengan masih ada ruang untuk dia melakukan kesilapan tanpa merosakkan peluangnya merangkul kejuaraan.



“Bagi yang lain, kami perlu terus mengejar jika boleh. Kami akan melakukan yang terbaik, tetapi sukar untuk mengetahui sama ada ia mencukupi untuk muncul juara di Abu Dhabi. Tetapi kami akan memberi 100 peratus dan berharap dapat berjuang hingga ke akhir.”

Dengan kemenangan ini, Alonso, yang turut menang di Monza, Itali, dalam perlumbaan sebelum ini, masih terus bersaing untuk merebut kejuaraan musim ini setelah mengumpul 25 mata.

Kini, beliau menduduki tempat kedua dalam senarai pemandu dengan 190 mata.

Webber, yang sedang mendahului kedudukan senarai pemandu, kini berada di tempat pertama dengan 202 mata dengan baki empat perlumbaan di Jepun, Korea Selatan, Brazil dan Abu Dhabi.



GRAND PRIX SINGAPURA

Pos Pemandu	Pasukan	Masa
1. Alonso	Ferrari	1h57:53.579
2. Vettel	Red Bull-Renault	+ 0.293
3. Webber	Red Bull-Renault	+ 29.141
4. Button	McLaren-Mercedes	+ 30.384
5. Rosberg	Mercedes	+ 49.394
6. Barrichello	Williams-Cosworth	+ 56.101
7. Kubica	Renault	+ 1:26.559
8. Massa	Ferrari	+ 1:53.297
9. Sutil	Force India-Mercedes	+ 1:52.416 *
10. Hulkenberg	Williams-Cosworth	+ 1:52.791 *
11. Petrov	Renault	+ 1 lap
12. Alguersuari	Toro Rosso-Ferrari	+ 1 lap
13. Schumacher	Mercedes	+ 1 lap
14. Buemi	Toro Rosso-Ferrari	+ 1 lap
15. Di Grassi	Virgin-Cosworth	+ 2 lap
16. Kovalainen	Lotus-Cosworth	+ 3 lap

* Penalti 20 saat

Masa Terpantas: Alonso, 1:47.976

TIDAK TAMAT:	Pemandu	Pasukan	Lap
	Glock	Virgin-Cosworth	51
	Heidfeld	Sauber-Ferrari	35
	Hamilton	McLaren-Mercedes	34
	Klien	HRT-Cosworth	30
	Kobayashi	Sauber-Ferrari	29
	Senna	HRT-Cosworth	28
	Trulli	Lotus-Cosworth	26
	Liuzzi	Force India-Mercedes	1

Kedudukan Pungutan Mata selepas 15 Pusingan:

Pemandu:	Pengeluar:
1. Webber 202	1. Red Bull-Renault 359
2. Alonso 191	2. McLaren-Mercedes 319
3. Hamilton 182	3. Ferrari 168
4. Vettel 181	4. Mercedes 133
5. Button 177	5. Force India-Mercedes 60
6. Massa 128	6. Williams-Cosworth 56
7. Rosberg 122	7. Sauber-Ferrari 27
8. Kubica 114	8. Toro Rosso-Ferrari 10
9. Sutil 47	
10. Schumacher 46	
11. Barrichello 39	
12. Kobayashi 21	
13. Petrov 19	
14. Hulkenberg 17	
15. Liuzzi 13	
16. Buemi 7	
17. De la Rosa 6	
18. Alguersuari 3	

